



Aningaasaqarnermut, Aatsitassanut, Inatsisit
Atuutsinneranut Naligiissitaanermullu
Naalakkersuisoq

Ulloq: 16-03-2022
J.nr.: 01.31.06/22-00974

Aningaasaqarnermut Akileraartarnermullu marlungornermi ulloq 8. marts 2022-imi aalajangiineranik Naalakkersuisunut ilisimatitsineq

Qaqqamut Karrat 3-mut alapernaarsuinermit periaatsimik pilersitsinissamut atatillugu kontumit pingaarnermit 20.10.35 Immikkut suliniut - Karrat Kangerluat, aningaasassanik atugassanngortitsinissaq. Ataatsimiititaliap suliaa nr. 01.31.06/22-00974.

”Naalakkersuisut inassutigaat,

- kontumi pingaarnermi 20.10.35 Immikkut suliniut - Karrat Kangerluat, aningaasaliissutit 2022-mi 4.400.000 koruuninik ikilisinneqassasut, aamma
- kontumi pingaarnermi 67.01.02 Ujarassiornermut Immikkoortortaqarfik, aningaasaliissutit 2022-mi 4.400.000 koruuninik amerlisinneqassasut”

Aningaasaqarnermut Ataatsimiititaliap oqaaseqaatai apeqqutaalu

Inassuteqaatinut tapiliullugu ataatsimiititaliaq ima apeqqtissaqarpoq:

1. Karrat 3-mi alapernaarsuusiinerup ungasinnerusoq isigalugu Illorsuit ammaqpinneqarnissaannut peqataaqataasinnaava?
 - a) Tamaattoqarpat Naalakkersuisut tamatumunnga qanoq piffissalersuuteqarpat?
2. Karrat 3-mi alapernaarsuusiineq qaqugu naammassisussatut Naalakkersuisunit naatsorsuutigineqarpa?
 - a) Ilanngussa 1 naapertorlugu ilimasaarusiinissamut aammalu kalerrisaarusiinissamut Naalakkersuisut qanoq piffissalersuuteqarpat?

Illassutitut aningaasaliissuteqarnissamik suliassaq 21/933, 2021 – 10036-mik normoqartoq pillugu apeqqtinut akissutit Aningaasaqarnermut Ataatsimiititaliamit siusinnerusukkut tiguneqarput, taak-kununngalu ilaapput ilimasaarinissamut piffissat. Akissutip quppernerani 3-mi pisuusaartitsilluni tassaarsuaqarnerata tikiunnerinut piffissat aammalu qarsutsinerit portussusiat pillugit takussutissiaq una ilanngunneqarpoq:

Takussutissiaq 1: Pisuusaartitsinermi Karrat 1-meersumik aamma 2-meersumik kiisalu Karrat 3-imut periarfissatut ilusilianit marlunnit tassaarsuaqarnerata tikiunnerinut piffissat aamma qarsutsinerup portussusai. Takussutissiimi qarsutsinerup portussusai 2 meterinik portussusilimmik ulissimanerani missingersuinerit qaffasinnepaaffissaraat. Qarsutsinerup portussusai sumiiffimmi nunap portussusaa immallu itissusaa apeqqutaalluni tassaarsuaqarnerani mallit assigiinngitsumik portussuseqartamerannut naapertuuttumik akuttussusilerlugit allassimapput.

	Mallit siulliit tikiunnerannut piffissaq	Qarsutsineru p portussusaa Karrat 1 (13 x 10 ⁶ m ³)	Qarsutsineru p portussusaa Karrat 2 (11 x 10 ⁶ m ³)	Qarsutsineru p portussusaa Karrat 3 Blok B (412 x10 ⁶ m ³)	Qarsutsineru p portussusaa Karrat 3 Blok A+B (524 x10 ⁶ m ³)
Nuugaatsiaq	7 min	6 m	6 m	32 – 72 m	37 – 74 m
Illorsuit	13 min	3,7 m	3,9 m	19 – 35 m	20 – 43 m
Qaarsut	26 min	-	-	9 – 20 m	11 – 23 m
Niaqornat	23 min	-	-	9 – 14 m	11 – 17 m
Uummanaq	30 min	-	-	6 – 13 m	6 – 14 m
Saattut	35 min	-	-	4 – 10,5 m	5 – 10,5 m
Ukkusissat	26 min	-	-	5 – 6,5 m	5,5 – 7,5 m
Ikerasak	38 min	-	-	4 – 10 m	4,5 – 11 m

Akissummi tassani ima allassimavoq:

”Niaqornat, Ukkusissat, Ikerasak, Saattut, Qaarsut og Uummanaq er ikke kategoriseret som ”fareområder”, idet risikoen for disse bosteder er væsentlig mindre, end den er i Illorsuit. Det er stadig en alvorlig situation, men forhåbentlig kan et varslingsystem inden for kort tid være med til at mindske risikoen for disse bosteder.”

- b) Naalackersuisut suli isumaqarpat ilimasaarusiinikkut najugaqarfiit taakku aarlerinartorsionerat millisinneqarsinnaasoq?

Aningaasaqarnermut Ataatsimiititaliap aalajangiinera

Siuliani allassimasutut oqaaseqaateqarluni apeqquteqarlunilu Naalackersuisut inassuteqaataat Aningaasaqarnermut Akileraartarnermullu Ataatsimiititaliamit **akuersissutigineqarput.**

Ataatsimiititaliaq sinnerlugu

Jens Napaattoq

Aningaasaqarnermut Akileraartarnermullu Ataatsimiititaliap siulittaasua